

FLOREAN DAL PALAZZ

Al valte fur la Joibe - Ogni doi numars 5 centesims l'un - Bez subit

Si vendin la vie, da l'Ediculle e dai principal Tabachins dal centro e la vie di sior Luigi Ferri.

Abonamens par l'intero un An quatri francos: 6 mes doi francos: par l'esterò il dobl.

Inserzions: intieramint cù l'Administrazion. Mandà i bez cun letara raccomandade o in vaglia postal al sempris indirizz: — **Administrazion dal Florean dal Palazz, Udin.**

Servizi telegrafich particular di FLOREAN

(Un pocul ritardât)

Via de Pueste, 30 setembar. — (oris 6.30 pom.) Son stadis scuviartis ches dos fantazzinis, chë si ciolevin ogdi sere la libertat di là a fa matea ju impiegas de pueste.

Via de Pueste, 30. — (oris 9 pom.) In sciariment dal miò telegrama azuns che lis dos fantatis scuviartis e son dos sartorelis. Une di lor e jè *inamorade muarte* di un impiegat adett a l'ufizi de distribuzion des letaris. Che altre e ha ance che un *moros* impiegat e pueste. Ogni altre, sere lor e han il matt gust di là pe buchete de distribuzion des letaris a domandà se jè letare par lor. Ogni volte e cambin non, i disin un non fals, un non che no l'esist. Ecco come che son stadis scuviartis: Miarcus di sere, es 6.30 e lejin e pueste, al *spontell* de distribuzion: *Kela, letara per mi?* — e domandà une — *Che nome gata, ela?* — La fantate no veve tignut a mens il non fals che deve ju ches altri voltis, e cussì e disè un altri non. Ju impiegas la cialarin ban e disè: *No, questo nol ve el so vero nome.* Jè no saveve ce rispignadi, e cussì e fò scuviarte.

★

E son altri dos che si divertissin di là a fa matea i zovins di buteghe, e ju impiegas dai publicis ufizis; chestis no son dos sartorelis ma aparteguin al ceto medio Joibe o tornari a discori in proposit e se no si corezin entri i diis, ti doi peraula di publicis i lor non e lis lor baronadis.

Storielis di Florean

Ce isal, ce no isal, ma la tabachine no sta cujete. Corponon di bio, ce hae, l'arint vivaduss? O arint o aur eijè cussì; nol è cās di di fale sta cujete.

Ben, ce isal nassut di gnuv? Al pareve duff finit, al pareve che Florean la lassas in pās o parceche al jere stuff, o parceche e jerin stuff i letors di lèt ches nainis, o parceche la tabachine e stève cujete.

Nissunè di chestis robis: nissunè afatt. Ma Florean al diseve, ce zove matea a volè par fuarze riesci a drezza lis giambis ai cians. Il jè fadje butade vie tanche bati aghe in t'un mortal, opur fai la barbe al muss, che si piard liscie e savou.

Dunce vignin al concret: ce isal di gnuv? Al è di gnuv, jo veramentri par lis resons eumoditis o varès tasut, ma no puès parceche o hai ouli une dozzene di tetaris che m' invidin a fevelà, al è di gnuv, o disevi, che la tabachine e veventat un biell colput. No mingo no di Stat, ve-deit, oh la tabachine no si ocupe di pulitiche, altri che par di mal dal Guviar.

Si tratave di un colput finanziari, di unè speculation ben ideade, ben organizade.

Eco, la tabachine stoffe di sta in chë contrade seure, e volè vignin a sta in borg di san Tomaz, sul cianton di Duplessis, dula che jere la fiaschetterie toscane. E dai, e tice, e pare, e messede, sior si no, chë ti veve otignud di medi su il, in chell magnifici puest, la so brave postarie.

Ma il diavol al ha olut meti la so code e corpo e ance di mill Venturins di là di vign, si che il Minister al ha dit un biell di novolar d' tond, par cui la tabachine, se po ancemò, e sougne

contentassi di sta te contrade scure. E di a cussi che veve caparade anoe la puteghe e cumò i toce di piardi la capare i Caspito, le e crodeve di jessi in tane bote di fiar; ma, come che o hai dit, il Guviar nol ha olut savent des ideis speculativis de tabachinae, la qual ne e vara un mutiv di plui di sberla l'ira di Dio dal Guvian medem.

Eco ce che al ul di a no sta cuges! E si Florean al ha prediciat la oujete plui di une volte! Ma!!

Leterature di Florean

In lode dal muss

Evive il muss,
Vive la bestie
Che jè 'l prototipo
De la modestie,
Il capostipite
De la pazienze,
Il ver esempi
Dè continenze!
Il len, il stombli
Par lui doprat,
In gnove guise
Tal à domat.
Che, sott la sante
Potente vene,
Al sbasse il ciav,
Al plèe la schene,
Nè si lamente,
Nè va in furor,
Nance s' al crepe
Sott il lavor.
Ecolo, ecolo
Ne la so... glorie
Degn di poeme,
E degn di storie,
Devot al canone
De... l'opiniori,
Sott la parone
Man dal paron,
Al sa adatasi,
Indiferent
Ne l'aparenze,
Ad ogni event
E si diress
Che 'l ben e 'l mal
Par lui e fossin
' Ne ciose ugal.
Ma la sensibil
Quarde del cur
Se qualchi volte,
Fra clar, e scur,
E tente 'l sfogo
Di qualchi affiet,
(Che la lez... logiche
A no permett
A la so caste)
Baste 'l baston
Par oh' al rientri
Ne la reson

Che 'l muss al devi
Simpri a l'effiett
Des lez... patriotichis
Stassi soggett.
Se, raris voltis,
Al si dà 'l cas
Che di' ate ciose
Nol sei persuas,
Al si ribelle,
Al tire un pan,
Al dà un' ucade,
Ma... nol fās dān,
Nol giave - al solit -
Nissun' costrutt,
Anzit al rischie
Di chell dutt.
Chell pōc, che a fuarse
Di schene, al ha
In tel mar-magno
Podut pes-chiā
Di mancomal
Par vivazā
Infin che l'ore
Ven di crepā.
Sere e matine
Matine e sere
De l'... uman prossim
Provè la guere;
D'ogni porcade
A lui i toce
A patā 'l fio
Di schene e bōce,
E de sō òpare,
Del so lavor
Altris e gioldin
E 'l plui e 'l mior!
E, non par tant
Ch' al piardi 'l schacc
In ogni ciose,
Al viv tal sacco,
Sì, che di erodi
Si han resons,
Che prest i giavin
Ance i cojons!
E sèi! Tū va
Canzon giulive
E al muss intone
Evive! Evive!

Evive il muss!
Vive 'l paron!
Vive la logiche
De la... reson...

Heritiche

Corispondenze di Florean

Ciampfuarmid, 4 otubar

— Cioo — al ha zovat Florean sastu — e disiu che domenie sei la rese di cont dei bez dal ciampanili.

— Hai sintut anoe jo — ma sastu tu comud che va a finissi? Qualchidun al ha di di qualchi perante; e alore il plevan, che nol ul che nissun i fasi osservazioni, al ha di lassà implantat dutt.

— Magari — Sin ben bogus no di fa i cassira.

— Ma vin di sta attens — la rese di cont bisugne che partissi da la prime linee scritte sul librut che al consegnā in Glesie sior Agnū, e sul qual il plevan al continuave a notā — e bisugne propri dai une ociade e viodi se al è chell parceche se al ven fur cun tun libri gnuv; o anoe vecio; che nol sedi chell di sior Agnū, in alore bisugne domandalu.

— Diaul — bisugne che al sedi propri il prin libri, anoe parcè che sun chell son notas i bez che al dè fur sior Agnū in Glesie a la presinze dal popul — e po no cognossib il caratar di sior Agnū?

— Larès ben viostu che al foss anoe sior Agnū presint, lui che al sa dutt parceche al è stat lūi, puaret, che al ha tant fatt par chè il ciampanili s'implanti — se nol foss altri bisugnarès invidalu par gratitudine.

— Tu pus nome erodi se la presinze di sior Agnū i comude al plevan? Sior Agnū al è bon di di il so olè, e di dà spiegazioni!

— E i cons dai ciamps e ciasis compras pe Glesie, vino di viodiju?

— Ma — Sior Agnū al ha consegnas i siei ma il plevan, da quasi un an, ju ten scuindus — par cui prest e vegnarān ju lis bravis petitionis a cui che no ha colpe — e alore che nol stedi a erodi il plevan di spindi di chei de glesie par so caprici — lis spesis bisugne che lis sostegni lui e cui siei.

— Par bio — fur e han di vigni i cons di

sior Agnùl è i lor — no e vin drit di viodju parceche la Glesie è jè nestre. No si fevele di cons de fabricerie, di chesg noaltris no s'intrighin e no e domandin a olin chei de amministrazion private.

— Vedarin domente.

Da la Zae di Florean

Zà seris Florean che al ciamine di gnott par viodi i trucs che sucedin tal mond, al leve balucand oà e là ocupat tai siei pinsirs; quand che al viod a entrà tre o quatri vistus di neri, in une canoniche; e curiositat mi ven di fa il mamò, e poi staju a oselà chesg quatri tipos. O hai lassat che entrin, e dopo dis minùs, mi avicini a un balcon siarat, par sintì ce che vessin di di in chell sit che par Udin al cor: « il ritrovo dai gesuis ». — Infatti e zigavin tant suart che al jere intil di stai donge, sintind tal miezz de strade dute la lor quistion. E fevelavin dal vescul, dai plevans, dai cialunis e di altris robis che a nissun impuarte di savelis. Ma, fra lis altris ciossis si sintive a di: viostu tu Pieri chei che han concorut cull, chei che faran culà; e jù a chest, force a chell altri; insume e jè une vergogne che vevin di jessi ocupas chesg diretors des animis in chestis garis, mentri i puars vecios, come mi disevin i bogns predis antichs, no lejevin giornai in sacristie, nè vevin chestis bielis ocupacions che la stupide libertat acorde, a chesg plui stupis e trigs, dirèts da un sfuei fatt apueste par istupidità int e rindiu simpri plui crativs.

O hai savut che il vescul si è condott ben cul capelan di Felett. Ce credial chei sior Viciari di jessi un Sultan? Vès di savè che al veve fatt sciarà il confessionari, il pulpit, l'organo... ma il vescul i ha dade une ramanzine come che al mèretave parcè che no i aparten a lui di fassi arbitro di autoritat che nol ha, ma essiud entrat pe buse de clavarie, cumò al si erod un'omenon e paron di fá alt e bass ce che al erod. Puare religion in ce mans che jè!

Mi han mandat divarsis letaris segnadlie cull non, dula che mi fasevin une desorizion brida d'un C... stat plevan a O. e dopo a M., che cun Ciasesole al jere il factotam, cun Somede Istess, e che ancemò al par che al sei mitud dal Signor, sol a intorbida il benjess da là int che erod al predi. Di chest C... subit che o varai indagat ben l'afar, o scrivarai des bielis ciossis; sicut di fa ridi là int. Intant cumò silenzio, parceche Florean nol ul serivi se non ce che al è ver, e che al püedi fa ridi i furlians.

O ricev è o publichi:

« Tu has di savè, Florean, che a Sant'Antonin, lis beghinis e fasin il diaul par tignù il lor direttore. Ma che sei tegnin, e che lu metin magari tal lor jet, che a no nus impuarte un boro. E mandin mess, e mandin suplichis, e han fatt tri duos par otigù de Madone la grazie di conservalu. Ma no han lor tang vès in chell Oratori, e podares la Madone fai la grazie che cussì al finarès chest diaules. Ah! quand si finirajal di dà ad intindi e ingiana il puar popul cussì scempio e imbecill? »

Mi scrivin:

« Pre Z... al ul là e nol ul là gesuit; ma che al vadi o che al resti, ce ocor di meti tante confusion e di fa tang ciàss tal public? O resti che il vescul nol disi: e jè ore di finile?! Se al savess il ciadaldiaul che al è in grazie di ches petegulis tiradis su da chell fanatic! Se nol mett un poc di ordin il vescul, e a la direzion des animis, int positive, e serie; vers umin... il puar vescul al continuerà che flastroce dal muart, e cussì sarà simpri il tran-tran, finchè il popul si stufarà, e al vignarà a che, di finila par simpri come che han fatt i franzès. E secin masse i totanos cheste int nere! »

Mi mandin par che o publichi:

« Ce oleso! Cumò no lassin in pas nance i muars e dugg si scalmanin, un a dispiett di chell altri di fannù là vie cun dntt il lusso pussibil e a bon marciat. E jere la imprese come che jè ancemò dal Roem e sul so servizi a di la veretat no si po che lodassi parceche decoro,

Inso a prezis diacres e son il programe dal Boem, il qual vineiarse al è Udines e al sevele il far-lap, mior di qualchidun altri, essind pui di un secul che la so famee, e exist a Udin. Siorsì mo che ha di vigin, fur un'altre imprese, la qual, za in principi, no sconenze tant ben; Figuraisi che mande pes ciassis a ofa il so servizi prime au-cemò che si disfredi il cadavar. Cussì, e jè to-ciade pal funeral di chell puar zovin di Angeli, e son, las subit a domanda di, fai lor il funeral, ma Angeli indispetit di cheste premure, fur di lug, parceche lls fameis, e son buiais lor di mandà a clamà l'impresa, al ha mandat vie l'a-gent de gnove societad ançe — cussì e contin — cun poco buine maniere, e cussì e impararan a vè convenienze e rignard in chei momens aba-stanze doloros par cui che i toce.

Se domandè paròe che la gnove societad no ha une cubie di ciaval che sei compagne avind vi-did che i doi biands e son come l'articul 24.

E jè une robe che no par bon: e si è disevin che varesin fatt robis di gran lusso! Ma così va il mondo bimba mia!

Il solit Zaneton
★

Un furistier mi scriv par lagnassi che tes la-trinis publichis no si mantegni che nettezze che jè volude e che si riscontre in altris citàs

Al azuns ançe che la presinze imediade di un portinar o portinàre in chell lug no jè tropp convenient e cull o dassi che la cub spiete e com-prendin la resbn

Qstigev e o publichi
★

Tu has publicat di un miracol de Madone che lla sciolt un amor che al jere impussibil di sciolzi e che camò il fantat al si contente di fa serehadis

Fami il plazè di di & che fantazzute, che quat-chi ciosse e ha ancemò tal so curut, che il mi-racul de Madone al podaves fra non lung timp rinovassi in sens contrari.

Rignard po alis serehadis assourte che son finidis dal diut e che no varan plai lug assolu-tament. Del rest e po sta sicure che il fantat no si disperà che come al parareis la prime viste: Il timp al è galantomp.
★

Il saressin preadis lls feminis che traffichin su la plazze dal polam a frauà un poco i lor furors, quand che capita i contadins cu la robe. Cussì mi racomande che o publichi un tal che, al sta atent ogni martars, joibe e sabide.

Epigrams di Florean

A glorie e onor dal professor Mastie:

XIV. Che par viarz i presipizis

Par il popul di buth

E par l'art di sgovernà

Al ha propit dugg i vizis!

XV. La patrie jè par luit un laminicul

Che i serv isoltant par rifurur il ventricul

Berlitiche.

AVIS DI FLOREAN

Essind cambiade l'amministrazione dal sfuei, al è stat provedut par che gnòvs e brilans e valentissins colaborators e prestin la lor opare util e dileteval te publicazione di Florean dal Palazzo.

Par cui si viars un gnuy abbonament, al sfuei da prin 1 October 1885 a diut 31 Decembar 1886, al prez di quatri francs, par cui il gnuy abbonas e vressin il sfuei gratis par tre mès, cioè da prin October a diut 31 Decembar di chest an.

Cheste cocagne nol po dale che Florean s dunce approfittait fin che ses in timp. E savès qe che al dis il proverbio: chi ha tempo non aspetta tempo.

VINCENZO LUCCARDI, Director responsabil.

Stamparie Jacob e Colmegne.